

REQVESTE PRESENTEE  
au Roy par Messieurs de Courtenay  
le xv. Juin mil six cens dixhuit.



I R E

56. prie

Vos tres-humbles & tres obeissâs. sujets & seruiteurs Ceux de la Maison de Courtenay, supplient tres-humblement vostre Majesté d'auoir agreable, qu'ils luy puissent remonstrer avec toute humilité, qu'ils ont esté contraincts d'auoir recours à la Iustice du defunt Roy vostre pere, pour leur estre pourueu sur la recognoissance du droit de leur naissance & origine, comme issus legitimemēt par mables de Louys le gros VI. de ce nō Roy de France, Qu'en ceste qualité ils luy auroient présenté plusieurs Requestes & supplicatiōs, que sa Majesté auroit receuës & par

A

CASE

F

30

326

1558 et

son commandement auroient esté par plusieursfois communi-  
quees tant à messieurs de son  
Conseil qu'à ses Officiers & Pro-  
cureurs généraux, pour scauoir s'ils  
auroient moyens d'empescher la-  
ditte recognoissance, Que n'y  
pouroyant point, comme de  
iour à autre il leur en donnoit  
esperance, sa Majesté auroit encore  
receu leur Protestation du neuf-  
sieme Mars mil six cens neuf, de ne se  
departir cependant de la qualité &  
de l'honneur du Sang Royal qu'ils  
s'estoient attribué, & qu'en atten-  
dant que la Iustice leur fust libre &  
ouuerte, tous empeschemens à l'ad-  
uenir ne leur peussent porter pre-  
iudice : Ce que tant s'en faut que  
sadicte Majesté eust trouué mau-  
uais que sur les plaintes qu'ils luy  
feirent, qu'aucuns de ses Officiers  
leur auroient voulu faire entendre  
de sa part qu'ils n'eussent a presser

dauantage ceste instance, elle leur auroit dict, & mesme reiteré par plusieurs fois, qu'elle ne leur defédoit point leur poursuite, qu'ils ne perdoyent en elle que la commodité, mais que leur affaire éstât d'importance elle se vouloit donner temps & loisir d'y aduiser: Sy bien, Sire, qu'en l'attente de sa Iustice fut commis le detestable assassinat en sa personne, demeurans cependant lesdits supplians du depuis exposez à plusieurs outrages & iniures qui leur ont esté faicts, pendant vostre minorité: Ce qui les auroit contraincts pour satisfaire au deuoir de leur honneur, & nacquiescer aux procedures illegitimes tenues contr'eux, de se retirer hors de vostre Royaume, apres en auoir demandé congé, par leur tres-humble supplication du vingt & quatriesme Ianuier mil six cens treize, en attédât qu'il pleut à Dieu



vo' faire atteindre l'aage de vostre  
Maiorité pour y auoir recours cō-  
me ils firent entendre à vostre Ma-  
jesté mesme, lors qu'ils eurent  
l'honneur de luy faire la reuerance  
à leur retour d'Angleterre, Qu'e-  
sperans qu'avec le temps quelque  
occasion fauorable leur ouuriroit  
l'accez auprez de vostre Majesté,  
pour avec l'honneur de ses bōnes  
graces, la pouuoir imformer du  
merite de leur cause, ils se seroyent  
rendus soigneux de demeurer au-  
tant qu'ils auroient peu, plustost  
dans les termes de la modestie, que  
de l'importuner hors de saison,  
voyans les grands affaires qu'elle  
auoit, se contentans de se compor-  
ter en tous leurs actes, ainsi que  
sans aucune contradiction ils en  
auoient vsé sous le regne du Roy  
defunct: Qu'ils ont ceste obliga-  
tion à sa memoire, de n'auoir ia-

mais souffert pendant sa vie, que leurs personnes fussent prostituées aux indignitez qu'ils ont expérimentées ces iours passez en la personne du sieur de Courtenay Bleaneu Aîné de leur Branche, lors qu'il n'estoit seulement question que de quelques debtes particulieres, à quoy tant s'en faut qu'ils voyent aucune protection, qu'au contraire les rigueurs s'augmentent de iour à autre, se voyant en sa personne exposez à toutes sortes d'accusations sans estre ouys, & de la vn chemin ouuert à leurs ennemis de pouuoir sous diuers pretextes entierement opprimer leur Maison: Le commandement faict depuis quelques mois par monsieur le Procureur General aux Notaires de ceste ville de Paris, de ne recevoir, ne passer aucun contract ou acte quelconque pour eux ou

ils voudroyent prendre qualité,  
*D'issus du Sang Royal*, leur donne  
assez de subiect d'apprehender ce  
desseing: C'est pourquoy chacun  
en pouuant iuger la consequence  
ils supplient très-humblement vo-  
stre Majesté que son bon plaisir  
soit de leur rédre vne Iustice esgal-  
le, soubs laquelle ils soyent aussi  
bien conseruez en ce qui leur ap-  
partient, comme ils se voyent  
traictéz avec toutes sortes de ri-  
gueurs à la moindre occasion qui  
s'offre d'agir cōtre eux, soit pour le  
Ciuil, soit pour le Criminel.

Que si l'on pretéd Monsieur de  
Courtenay Bleneau auoir failly,  
lesdicts supplians Sire, ont à desirer  
comme ses parens, qu'il en soit  
congneu, à fin que, ou son inno-  
cence apparaisse ou vostre bonté  
& clemence s'il en auoit besoin,  
Remettant neantmoins letout à la



7  
955.  
Iustice de vostre Maiesté, pendant  
que pour eux Dieu leur a faict la  
grace d'estre exempts d'aucune ac-  
cusation ils s'arrestent à vous de-  
mander Iustice, pour l'intérest de  
toute leur Maison en general, A ce  
qu'il luy plaise (pédant qu'elle dif-  
fere leur recognoissance) ne souf-  
frir qu'à l'aduenir leurs personnes  
soyent exposées à des outrages in-  
dignes de l'honneur de leur nais-  
sance, ce qu'ils esperent de vostre  
humanité, quād bien elle n'en ver-  
roit autre tésmoignage que celuy  
qui avec l'autorité des Roys vos  
predecesseurs, & approbation de  
vos Parlemens est rendu public-  
quement de l'origine & continua-  
tion de leur Brāche, ou elle a l'hō-  
neur d'estre inscrite iusques à leurs  
Peres derniers decedez, au rang &  
en l'ordre de toutes les autres Brā-  
ches de la Royale Maison de Frā-  
ce: Ce qu'ils pensēt bien que vostre

956 Majesté n'ignore point, quelque dissimulatio<sup>n</sup> que leurs malueillans essayent d'y apporter.

Ils supplient aussi tres-humblement vostre Maie<sup>st</sup>é de leur faire Iustice, surce que vostredict Procureur General semble s'estre voulu porter partie contre eux pour empescher qu'en leurs actes ils ne s'attribuent la qualité, *d'issus du Sang Royal*, comme il a esté représenté cy dessus, Laquelle qualité, Sire, ils ont maintenüe leur estre propre, & naturelle en presence du Roy defunct & de vostre Parlement mesme, où la pretention en a esté formée & receüe, comme il se voit par Arrest du douxiesme Feburier, mil six cens dix, & autres actes de ladicte Cour, sans qu'ils en ayent esté contradictoirement euincez, estant assez notoire que telle pretention en chose de telle importance,



portance si iuridiquement faicte, ne peut estre tenuë ne soufferte indifferēte sans y auoir esgard, qu'au preiudice notable du public, de l'honneur & dignité de la Maison Royale, (de laquelle vostre Majesté est le chef Souuerain) & de l'ordre, & des Loix fondamentales de vostre Estat, où il n'est pas croyable que vostre Parlement se fust oublié d'en faire seuerie iustice, s'il eust pensé y trouuer quelque chose à redire: En quoy lesdits Supplians n'ont pas tousiours mieux demandé (comme ils en ont supplié le feu Roy) par leur requeste du quatorzième Iuin, mil six cēs huiēt, Que si l'on y pretendoit quelque doubte, il pleust à sa Majesté leur donner son Procureur general pour contradicteur legitime: Ce qui les faiēt tres-humblement supplier vostre Maieité d'en

receuoir leur plainte, leur y vouloir faire droict, & se représenter en la droicture de sa conscience, quelle barbarie seroit introduire en vostre Royaume, qu'ó leur voulust empescher de nommer leurs Peres, & de se dire de la famille & lignee de laquelle il a pleu à Dieu les faire naistre, chose repugnante au sens cõmun & à la nature mesme, principalement la cognoissance en estant si notoire & publique, & tesmoignee par tãt d'actes irreprochables: Que s'y l'on auoit à y desirer quelque plus grand esclarcissement, quel tort ce seroit vouloir faire à vostre Maiesté Royale (comme s'y elle n'auoit la puissance & l'autorité de faire contenir en leur deuoir, par les formes deuës de sa iustice, ceux de ses subiects qui voudroient vsurper vn droict de telle consequence, qui ne

leur appartiendrait,) que vostre Procureur general recherchast de proceder par des voyes obliques & inuolontaires, pour les violenter en leur honneur, au lieu de les faire appeler en vostre Iustice cōme il appartient pour y rendre cōpte de quel droit, & à quel titre ils presument de s'attribuer telle qualité. Ceux de Courtenay, Sire, sont vos tres-humbles subiects, qui prosternent aux pieds de vostre Maiesté, recognoissent vostre Souueraineté comme ils doiuent, ne recherchant qu'à se conseruer sous vostre protection & Iustice le droit libre de leur naissance, & origine. C'est pour quoy estans prouocquez en tant de sortes, ils ont recours à vostre Maiesté, à ce qu'il leur y soit pourueu, & sur la confiance qu'elle a donnée à ses peuples, d'estre de son naturel portée à



vouloir aymer & fauoriser la Iustice, (comme se voulant acquerir le surnom de Iuste,) ils la suppliēt tres-humblement de commander quelle leur soit libre & ouuerte par les formes en tel cas requises. Et pour y paruenir, Sire, ils ne se soumettēt pas seulement, d'auoir vostre Procureur general pour partie & legitime contradicteur; mais où il plairoit à V. M. faire publier par tout son Royaume, qu'à toutes personnes indifferemment il soit loisible d'apporter entre les mains dudit Procureur general dans quelque temps limité, tout ce qu'ils pourront trouuer de moyens legitimes pour empescher la recognoissance de laquelle ils font instance, Ils l'en supplient tres-humblement, & s'offrent de subir tout le chastimēt & punition exemplaire, qu'au cas appartiendroir, où il se trouuera

( la cognoissance de cest affaire, estant esclaircie par les formes deues ) qu'ils se soyent fausement attribué l'honneur du Sang Royal & qualité de Princes du Sang, qu'ils maintiennent leur appartenir de leur propre droit, à quelque fortune qu'ils puissent estre reduicts suivant l'ordre & les loix fondamentales de vostre Estat, non comme heritiers de leurs Peres, mais cōme issus legitimement par males de Louys le Gros VI. de ce nom Roy de France, le mesme Roy duquel V. M. est issuë: Comme aussi ils requierent que ceux qui à leur prejudice voudroyent mettre en avant moyens qui seroyent trouuez de fausseté ou de calōnie fussent tenus de mesme peine. C'est à celle fin que V. M. Sire, cognoisse la verité & candeur avec laquelle ils procedēt, & qu'il n'e reste à persō-

ne le moindre doubte ou scrupule en sa cōsciēce. Et en cela, Sire, ils appellent Dieu à tesmoing, & toute la Frâce de la submissiō enquoy ils se mettēt, laquelle ils ont desiré estre signee avec eux de tous leurs enfans tant pour leur monstrier l'exemple de se conseruer cest honneur, entant qu'il sera en eux, sans iamais s'en departir, que pour faire voir à V. M. en ceste requeste (y cōprenant la personne dudit Sieur de Courtenay Bleneau) vous ceux qui sont aujourd'huy viuās de ceste Brāche de Courtenay, issus (cōmedict est) legitiment par males dudit roy Louys le Gros, & arrester la malice de ceux qui pour en rendre le nombre odieux & à charge, le forgent tel que bon leur semble. Et la iustice qu'ils vous demandent, Sire, ils supplient tres-humblement V. M. de leur pardō-



ner s'ils ozent luy représenter qu'elle  
se la doit à elle mesme, comme  
s'agissant de la manutention du ti-  
tre principal en vertu duquel elle  
regne legitimement, attaché par  
l'ordre & par la loy fondamentale  
du royaume au droit de la naissan-  
ce, lequel ne peut estre opprimé  
sous quelque couleur que ce soit  
ez legitimes descendans de la  
Maison royalle, sans la subuersion  
de ceste loy, dont l'esbranlement  
tire apres soy vne suite de dange-  
reuses consequences, comme au  
contraire demeurant inuiolable  
contre le temps & les accidens,  
elle maintient aux Roys & à leur  
Estat leur plus solide & assuré af-  
fermissement. Et en l'attente de ce-  
ste Iustice, Sire, ils supplient Dieu  
le Createur iuste Iuge d'un chas-  
cun, vouloir conseruer vostre Ma-  
iesté en tout heur & prosperité,

l'illuminer de s<sup>o</sup> saint Esprit, pour  
cognoistre & discerner la verité,  
rendre & garder à vn chascun son  
droict & leur faire la grace d'estre à  
iamais recogneus vos tres-hübles,  
tres-obeissans & tres-fidelles sub-  
iects & seruiteurs: *Ainsi signé.*

GASPARD DE  
COVRTENAY.

RENE DE  
COVRTENAY.

IEAN DE  
COVRTENAY.

IEHAN DE  
COVRTENAY.

IACQUES DE  
COVRTENAY.

LOVYS DE  
COVRTENAY.